

# 本草衍義

三



本草衍義卷第十

通直郎添差充收買藥材所辦驗藥材冠

宗奭

編撰

款冬花

牡丹

女苑

澤蘭

地榆

白前

王瓜

薺老

積雪草

莎草

惡實

大小薊

艾葉

陟釐

菟葵

白藥

懷香子

鬱金

肉苳蔻

茅香花

青黛

零陵香

天麻

車撥

使君子

蜜蒙花

款冬花百草中惟此不顧冰雪最先春也世又謂之鑽  
凍雖在冰雪之下至時亦生芽春時人或採以代蔬入  
藥須嫩見花者良如已芬芳則都無力也今人又多使  
如筋頭者恐未有花爾有人病嗽多日或教以然款冬  
花三四錢於無風處以筆管吸其煙滿口則嗽之數日効  
牡丹用其根上皮花亦有絳者如西洛潛溪絳是也今  
禁苑又有深碧色者惟山中單葉花紅者為佳家柈子

次之若移枝接者不堪用爲其花葉既多發奪根之氣也何以知之今千葉牡丹初春留花稍多來年花枝并葉便瘦多是開不成市人或以枝梗皮售於人其乖殊甚

女苑一名白苑或者謂爲一物非也唐刪去白苑之條甚合宜陶能三早不能指說性狀餘從經中所說其明今直取經

澤蘭按補注云葉如蘭今蘭葉如麥門冬稍闊而長及一二尺無枝梗殊不與澤蘭相似澤蘭繞出土便分枝梗葉如菊但尖長若取其香嗅則稍相類既謂之澤蘭又曰生汝南大澤傍則其種本別如蘭之說誤矣

地榆性沉寒入下焦熱血痢則可用若虛寒人及水瀉  
白痢即未可輕使

白前保定肺氣治嗽多用白而長於細辛但鹿而脆不  
似細辛之柔以溫藥相佐使則尤佳餘如經

王瓜體如栝樓其殼徑寸一種長二寸許上微圓下尖  
長七八月間熟紅赤色殼中子如螳螂頭者今人又謂  
之赤雹子其根即土瓜根也於細根上又生淡黃根三  
五相連如大指許根與子兩用紅子同白土子治頭風  
薺芫今陝州採爲脯別有法甚甘美薺可寄遠古人以  
謂薺芫似人參者是此解藥其甚驗

積雪草今南方多有生陰濕地不必荆楚形如水荇而

小面亦光潔微尖爲異人謂之連錢草蓋取象也葉  
葉各生搗爛貼一切熱毒癰疽等秋後收之陰乾爲末  
水調

莎草其根上如棗核者又謂之香附子亦入印香中亦  
能走氣今人多用雖生於莎草根然根上或有或無有  
薄皺皮紫黑色并多毛也刮去皮則色白若便以根爲  
之則誤矣其味苦

惡實是子也今謂之牛蒡未去蔓時又謂之鼠粘子根  
謂之牛蒡陳風壅滯多咽塞不利微炒同入京芥穗  
各二兩甘草炙半兩併爲末食後夜臥湯點二錢服當  
緩取効子在蔓中蔓上有細鈎多至百十謂之共則誤

矣根長一二尺麓如拇指煮爛為菜

小薊皆相似花如髻但大薊高三二尺葉皺小薊高一尺許葉不皺以此為異小薊山野人取為蔬甚適用雖有微苦亦不能害人

艾葉乾搗篩去青滓取白入石硫黃為硫黃艾多家用得米粉少許可搗為末入服食藥入硫黃別有法

陟釐公人事治<sub>也</sub>為苔脯堪啗京城市者甚多然治渴疾仍須禁食糖餘方家亦罕用

莢葵綠葉如黃蜀葵花似初霜甚雅形如至小者初開單葉蜀葵有檀心色如牡丹姚黃葵則蜀葵也唐劉夢得還京云唯莢葵燕麥動搖春風者是也

白藥今爲治馬肺熱藥有效

懷香子今人止呼爲茴香治膀胱冷氣及痃痛亦調和胃氣唐本注似老胡荽此誤矣胡荽葉如蚰床懷香徒有葉之名但散如絲髮特異諸草枝上時有大青虫形如虺蝨治小腸氣甚良

鬱金不香今人將染婦人衣最鮮明然不奈日久染成衣則微有鬱金之氣

肉苳蔻對草苳蔻言之去殼只用肉肉油色者佳枯白味薄瘦虛者下等亦善下氣多服則泄氣得中則和聚其氣

茅香花白根如茅但明潔而長皆可作浴湯同藁本无

佳仍入印香中合香附子用

青黛乃藍爲之有一婦人患臍下腹上下連二陰遍滿  
生濕瘡狀如馬爪瘡他處並無熱痒而痛大小便澀出  
黃汁食亦減身面微腫醫作惡瘡治用鰾鱗魚松脂黃  
丹之類藥塗上瘡愈熱痛愈甚治不對故如此問之此  
人嗜酒貪啗喜食魚蟹發風等物急令用溫水洗拭去膏  
藥尋以馬齒莧四兩爛研細入青黛一兩再研勻塗瘡  
上即時熱減痛痒皆去仍服八政散日三服分敗客熱  
每塗藥得一時久藥已乾燥又再塗新濕藥凡如此二  
日減三分之一五日減三分之二自此二十日愈既愈  
而問曰此瘡何緣至此曰下焦蓄風熱毒氣若不出

當作腸癰內痔仍常酒禁酒及發風物然不能禁酒後  
果然患內痔

零陵香至枯乾猶香入藥絕可用婦人溲油飾髮香無  
以加此即蕙草是也

天麻用根須別藥相佐使然後見其功仍須加而用之  
人或蜜漬爲果或蒸煮食用天麻者深思之則得矣苗  
則赤箭也

華撥走腸胃中冷氣嘔吐心腹滿痛多服走泄真氣令  
人腸虛下重

使君子紫黑色四稜高瓣深今經中謂之稜瓣深似令  
人難解秋末冬初人將入鼎澧其人味如椰子肉經不

言用人爲復用皮今按文味甘即是用肉然難得仁蓋  
絕小今醫家或兼用殼

蜜蒙花利州路甚多葉冬亦不凋然不似冬青蓋柔而  
不光潔不深綠花細碎數十房成一朵冬生春開此木  
也今居草部恐未盡

本草衍義卷第十

本草衍義卷第十一

通真郎添差充收買藥材所辨驗藥材寇

宗興

編撰

大黃

桔梗

甘遂

葶藶

堇音花

旋復花

藜蘆

烏頭

射干

半夏

蜀漆

常山

青葙子

白藺

白及

草蒿

大黃損益前書已具仲景治心氣不足吐血衄血瀉心

湯用大黃黃芩黃連或曰心氣既不足矣而不用補心  
湯更用瀉心湯何也答曰若心氣獨不足則不當瀉吐  
衄也此乃邪熱因不足而客之故吐衄以苦泄其熱就  
以苦補其心蓋兩全之有是證者用之無不効量虛實  
用藥

桔梗治肺熱氣奔促嗽逆肺癰排膿陶隱居云俗方用  
此乃名薺老今別有薺老所謂亂人參者便是非此桔  
梗也唐本注云陶引薺老亂人參謬矣今詳之非也隱  
居所言其意正以根言之所以言亂人參唐本注却以  
苗難之乃本注誤矣

其遂今惟用連珠者然經中不言此藥專於行水攻決

爲用入藥須斟酌

葶藶用子子之味有甜苦兩等其形則一也經既言味辛苦即甜者不復更入藥也大既治體皆以行水走泄爲用故曰久服令人虛蓋取苦泄之義其理甚明藥性論所說盡矣但不當言味酸

葶花今京洛間甚多張仲景傷寒論以葶花治利者以其行水也水去則利止其意如此然今人用時當以意斟酌不可使過與不及也仍須是有是證者方可用旋復花葉如大菊又如艾蒿八九月有花大如梧桐子花淡黃綠繁茂圓而覆下亦一異也其香過於菊行痰水去頭目風其味甘苦辛亦走散之藥也其旋花四月

五月有花別一種非此花也第八卷已具

藜蘆爲末細調治馬疥痒

烏頭烏喙天雄附子側子凡五等皆一物也止以大小長短似像而名之後世補虛寒則須用附子仍取其端平而圓大及半兩以上者其力全不僭風家即多用天雄亦取其大者以其尖角多熱性不肯就下故取數散也此用烏頭附子之大略如此餘三等則量其材而用之其炮製之法經方已著

射干此乃荀子所說西方之木名曰射干者也注復引本草曰不合以射干爲木殊不知五行止以水火木金土而言之故儒者以草木皆木也金鉉皆金也糞土皆

土也灰火皆火也水池皆水也由是言之即非佛經所  
說火宅喻之獸及阮公所云臨層城者之木況本經亦  
曰一名草薑故知是草無疑今治肺氣喉痺爲佳日華  
子曰大小似高良薑赤黃色此得之

半夏今人惟知去痰不言益脾蓋能分水故也脾惡濕  
濕則濡而困困則不能制水經曰濕勝則瀉一男子夜  
數如廁或數以生薑壹兩碎之半夏湯洗與大棗各三  
十枚水一升瓷瓶中慢火燒爲熟水時時呷數日便已  
蜀漆常山苗也治瘥多吐人其他亦未見所長此草也  
慮歲久人或別有異論故預云餘如經

常山蜀漆根也亦治瘥吐痰如鷄骨者佳

青葙子經中並不言治眼藥性論始言之能治肝藏熱  
毒衝眼赤障青盲蕭炳可云理眼日華子云益腦髓明  
耳目鎮肝今人多用之治眼殊不與經意相當

白薇白及古今服餌方少有用者多見於斂瘡方中二  
物多相須而行

草蒿今青蒿也在處有之得春最早人剔以爲蔬根赤  
葉香今人謂之青蒿亦有所別也但一類之中又取其  
青者陝西綏銀之間有青蒿在蒿叢之間時有一兩窠  
迥然青色土人謂之爲香蒿莖葉與常蒿一同但常蒿  
色淡青此蒿色深青猶青蒿氣芬芳恐古人所用以深  
青者爲勝不然諸蒿何嘗不青